

Nacrt

Broj: 01-50-1-395- /19
Sarajevo, .2019. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, br. 94/14), Konkurencijsko vijeće Bosne i Hercegovine, *podnosi*

IZVJEŠTAJ O RADU
KONKURENCIJSKOG VIJEĆA BOSNE I HERCEGOVINE ZA 2018. GODINU

Sarajevo,
januar, 2019. godine

I - SAŽETAK

Konkurencijsko vijeće Bosne i Hercegovine (u daljem tekstu: Konkurencijsko vijeće) je samostalno tijelo koje je nadležno za dosljednu primjenu Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon) na cijeloj teritoriji Bosne i Hercegovine i ima isključivu nadležnost u odlučivanju o postojanju zabranjenog konkurencijskog djelovanja na tržištu BiH (zabranjeni sporazumi, zloupotreba vladajućeg položaja i kontrola koncentracija).

Odredbama Zakon se regulišu različiti oblici sprječavanja, ograničavanja ili narušavanja tržišne konkurencije na teritoriju Bosne i Hercegovine ili izvan njenog teritorija, ako postupanje nekih privrednih subjekata ima značajan uticaj na tržište Bosne i Hercegovine, a u skladu s članom 2. stav (3) Zakona:

“Ovaj Zakon primjenjuje se i na privredne subjekte sa sjedištem i prebivalištem u inostranstvu, ako njihovo djelovanje proizvodi značajan efekt na tržište Bosne i Hercegovine ili na značajnijem dijelu tržišta.”

Posebna pažnja u odredbama ovog Zakona se usmjerava na utvrđivanje različitih oblika zabranjenih sporazuma među privrednim subjektima, zloupotreba vladajućeg položaja, te kontrolu i ocjenu raličitih oblika koncentracija.

Zakonom se osigurala učinkovitost u njegovom provođenju, prije svega kroz politiku novčanih kazni za privredne subjekte u slučaju njegovog kršenja, politiku ublažavanja ili ukidanje novčanih kazni privrednim subjektima u slučaju prijavljivanja kršenja odredbi Zakona (leniency policy) Konkurencijskom vijeću.

U skladu s odredbama Zakona, pred Konkurencijskim vijećem u 2018. godini vođeni su postupci pokrenuti po zahtjevima privrednih subjekata ili po službenoj dužnosti koji su za cilj imali utvrđivanje zabranjenih sporazuma i zloupotrebe vladajućeg položaja, te ocjene izuzeća pojedinih sporazuma od zabrane. Konkurencijsko vijeće je u 2018. godini kontinuirano provodilo i aktivnosti ocjene dopuštenosti koncentracija privrednih subjekata u skladu sa Zakonom.

Tokom 2018. godine održano je 20 sjednica stručnog kolegija i 28 sjednica Konkurencijskog vijeća.

Od ukupno 49 zaprimljenih predmeta iz oblasti konkurencije u 2018. godini, 14 predmeta se odnosilo na zabranjena konkurencijska djelovanja i to: 3 predmeta su se odnosila na oblast zabranjenih sporazuma i 11 na zloupotrebu dominantnog položaja. U navedenim oblastima, na sjednicama Konkurencijskog vijeća, usvojeno je 6 konačnih odluka: odbijen 1 zahtjev za utvrđivanje zabranjenog sporazuma kao neosnovan, odbačen 1 zahtjev za utvrđivanje zabranjenog sporazuma zbog nenadležnosti, odbijen 1 zahtjev za utvrđivanje zloupotrebe dominantnog položaja kao neosnovan, odbačen 1 zahtjev zbog nenadležnosti i obustavljena 2 postupka za utvrđivanje zabranjenog sporazuma zbog odustajanja stranke, dok je preostalih 8 predmeta u postupku rješavanja.

Konkurencijsko vijeće je u 2018. godini zaprimilo 35 predmeta koji se odnose na oblast ocjene koncentracija, gdje su na sjednicama Konkurencijskog vijeća usvojene 24 konačne odluke: 24 koncentracije su odobrene, 1 koncentracije nije izglasana jer nisu ispunjeni uslovi iz člana 24. stav (2) Zakona, te je 10 koncentracija u postupku rješavanja.

Zakonom o konkurenciji je utvrđena i nadležnost Konkurencijskog vijeća za davanjem mišljenja i preporuka o bilo kojem aspektu konkurencije, uključujući i davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju. S tim u vezi, u 2018. godini, Konkurencijsko vijeće je zaprimilo 15 zahtjeva za davanje mišljenja, a usvojilo 10 stručnih mišljenja o različitim aspektima konkurencije, te su dva zahtjeva za davanje mišljenja okončana na način da je strankama odgovoreno

dopisom. Dva mišljenja nisu izglasana zbog neispunjenja uslova iz člana 24. stav (2) Zakona, dok je jedno mišljenje u postupku rješavanja.

Dakle, u 2018. godini ukupno je realizovano 65% od svih zaprimljenih predmeta pred Konkurencijskim vijećem, te je završeno 80% stručnih mišljenja u odnosu na broj zaprimljenih zahtjeva,¹ dok su ostali predmeti zaprimljeni u toku 2018. godine u postupku rješavanja i bit će okončani u skladu sa rokovima propisanim Zakonom.

Tokom 2018. godine, Konkurencijsko vijeće je izvršilo analize 3 relevantna tržišta i to: tržišta nafte i naftnih derivata u Bosni i Hercegovini, tržišta taksi prevoza u Kantonu Sarajevo i tržišta vodosnabdijevanja na teritoriji većih gradova Bosne i Hercegovine. Također, Konkurencijsko vijeće je u 2018. godini, po zahtjevu stranaka provelo 8 istraga, koje su se ticale tržišta električne energije, tržišta vodosnabdijevanja, primjene preferencijalnog tretmana domaćeg na tržištu nafte i naftnih derivata u Bosni i Hercegovini i tržišta distribucije toplotne energije u Doboju, a na osnovu koje je pokrenut postupak po službenoj dužnosti za utvrđivanje postojanja zabranjenog sporazuma.

Što se tiče zakonodavnih aktivnosti, u periodu od januara do decembra 2018. godine, Konkurencijsko vijeće je dana 6.9.2018. godine na 36. sjednici jednoglasno usvojilo prijedlog inicijative za donošenje Zakona o dopuni Zakona o konkurenciji koji je upućen Ministarstvu vanjske trgovine i ekonomskih odnosa Bosne i Hercegovine na dalje postupanje. Navedena izmjena se odnosi na dopunu člana 22. Zakona o konkurenciji, odnosno dodavanje novog stava (3) u istom, a kojim se definiše imunitet člana Konkurencijskog vijeća od građanske odgovornosti za mišljenja koja daje i odluke koje donosi u okviru svojih službenih dužnosti.

Na prijedlog Konkurencijskog vijeća Bosne i Hercegovine, Vijeće ministara Bosne i Hercegovine je na 154. sjednici održanoj dana 11.09.2018. godine donijelo Odluku o izmjenama i dopuni Odluke o visini administrativnih taksi u vezi sa procesnim radnjama pred Konkurencijskim vijećem, koja je objavljena u "Službenom glasniku BiH" broj: 75/18 dana 26.10.2018. godine, te stupila na snagu osmog dana od dana objavljivanja u "Službenom glasniku BiH", odnosno dana 03.11.2018. godine.

Konkurencijsko vijeće je promociju tržišne konkurencije u 2018. godini, s ciljem osiguranja pravilne primjene zakonodavstva i podizanja svijesti i nivoa znanja, te upoznavanje stručne i šire javnosti o prioritetima u djelovanju Konkurencijskog vijeća, ostvarilo uglavnom putem stalnog informisanja javnosti i redovnog objavljivanja saopćenja za javnost te davanjem intervjua domaćim i stranim medijima. Tako je u 2018. godini, ukupno realizirano 20 saopštenja za javnost u vezi sa odlukama donesenim na sjednicama Konkurencijskog vijeća, te je upućen veliki broj odgovora na različite upite fizičkih i pravnih lica.

Konkurencijsko vijeće je u 2018. godini nastavilo uspostavljenu bilateralnu/multilateralnu suradnju s organizacijama i institucijama iz oblasti konkurencije i to sa institucijama kao što su EC DG Comp, ICN, OECD, FTC i sl. S tim u vezi, članovi Konkurencijskog vijeća su sudjelovali na konferencijama u organizaciji ovih institucija kako slijedi:

- ICN Conference – New Delhi (mart)
- Bon – 60. anniversary Bundeskartellamt (februar)
- Wašington (SAD) – 66. spring meeting (april)
- Zagreb – konferencija Agencije za tržišno natjecanje (novembar)
- Energetska zajednica Beč (decembar)

¹ Iznad navedeni podaci su preuzeti iz Tabele II – Izvještaj o provedbi akcionog plana predviđenog godišnjim programom rada Konkurencijskog vijeća Bosne i Hercegovine

Na sastanku CEFTA-e u vezi sa primjenom relevantnih članova iz CEFTA sporazuma iz oblasti konkurencijskog prava, održanog u julu mjesecu u Skoplju, ispred Konkurencijskog vijeća učestvovao je viši stručni saradnik za promociju konkurencije.

Konkurencijsko vijeće je krajem 2018. godini došlo u krajnju fazu potpisivanja Memoranduma o saradnji u oblasti državne pomoći i konkurencije sa Vijećem za državnu pomoć Bosne i Hercegovine, te pokrenulo inicijativu za potpisivanje sporazuma o saradnji sa tijelom za zaštitu konkurencije Republike Slovenije.

Konkurencijsko vijeće je kontinuirano u 2018. godini sudjelovalo u radu drugih tijela i institucija i to u odboru/pododboru za provođenje privremenog Sporazuma o stabilizaciji i pridruživanju (SSP) Bosne i Hercegovine i Europske Unije, u Vijeću za zaštitu potrošača BiH i drugim komisijama.

- SSP Brisel (mart) – Pododbor
- SSP Brisel (septembar) – Pododbor

Također je nastavljena saradnja sa regulatornim tijelima iz sektora energetike, telekomunikacija, bankarstva, te drugim regulatornim sektorskim tijelima, kao i ostalim institucijama na državnom, entitetskom i nivou Brčko distrikta Bosne i Hercegovine, udruženjima i Ombudsmanom za zaštitu potrošača Bosne i Hercegovine, agencijama i zavodima za statistiku.

U cilju povećanja stručnosti zaposlenih, odnosno u cilju jačanja stručnih i administrativnih kapaciteta potrebnih za rad na predmetima iz oblasti tržišne konkurencije, u 2018. godini, 2 državna službenika stručne službe Konkurencijskog vijeća pohađala su obuku u organizaciji RCC-a Budimpešta (Regional Competition Centre) – na temu „Cartel Detection Tools“ i 1 državni službenik učestvovao na radionici TAIEX-a na temu „Državna pomoć u avijaciji“, održanoj u Crnoj Gori.

Obuke ostalih državnih službenika odnosile su se na redovne obuke u organizaciji Agencije za državnu službu Bosne i Hercegovine, vezano za svakodnevno obavljanje poslova u instituciji.

Namještenici su u 2018. godini sudjelovali na dvije obuke organizovane od strane Agencije za državnu službu Bosne i Hercegovine.

U martu 2018. godine organiziran je Okrugli stol za sudije Upravnog odjeljenja Suda Bosne i Hercegovine, na temu „Aktuelna pitanja iz upravne oblasti“, a jedna od podtema na Okruglom stolu je bila pravo konkurencije gdje su razmjenjena iskustva i praksa, kao i problemi sa kojima se susreću sudije Upravnog odjeljenja Suda Bosne i Hercegovine koje rade na upravnim sporovima predmete iz oblasti konkurencije. Članice Konkurencijskog vijeća, mr. Arijana Regoda-Dražić i Adisa Begić su uzele učešće na Okruglom stolu u svojstvu izlagača, na način da su stručni dio prava konkurencije izložile svim nazočnim na seminaru.

Tokom 2018. godine, Konkurencijsko vijeće je nastavilo kontinuirani rad na usvajanju internih akata. Tako su u izvještajnom periodu usvojeni Izvještaj o radu za 2017. godinu, Nacrt Programa rada za 2019. godinu, Odluka o utvrđivanju minimuma procesa rada za vrijeme trajanja štrajka u Konkurencijskom vijeću, Plan kontrolnih aktivnosti za 2018. godinu u Konkurencijskom vijeću, Plan borbe protiv korupcije 2018-2019. godine, Akcioni plan za uspostavljanje i razvoj sistema finasijskog upravljanja i kontrole za 2018. godinu, te ostali interni akti.

Za provođenje Programa rada Konkurencijskog vijeća za 2018. godinu bila su predviđena novčana sredstva u proračunu Konkurencijskog vijeća u iznosu od 1.353.000,00 KM. Za prvih 9 mjeseci 2018. godine je realizovano 1.021.515,00 KM ili 75,5% proračuna. Podaci o ukupnoj realizaciji proračuna za 2018. godinu, još uvijek nisu dostupni.

U vezi sa procesnim radnjama koje su u nadležnosti Konkurencijskog vijeća u skladu sa Zakonom o konkurenciji (npr. rješenja po prijavama namjere koncentracije, rješenja o ocjenama usklađenosti sporazuma sa odredbama Zakona, davanje mišljenja itd.), naplaćuju se administrativne takse. Uplata istih propisana je Odlukom o visini administrativnih taksi u vezi sa procesnim radnjama pred Konkurencijskom vijećem („Službeni glasnik BiH“, broj 30/06 ,18/11 i 75/18).

Zakonom o konkurenciji propisano je da Konkurencijsko vijeće može izreći novčane kazne privrednim subjektima, koje mogu biti 1%, odnosno 10% ukupnog godišnjeg prihoda privrednog subjekta, u zavisnosti od težine povreda predmetnog Zakona, ako utvrdi kršenje odredbi Zakona.

Isto tako, Konkurencijsko vijeće može izreći i novčanu kaznu odgovornim licima privrednog subjekta u iznosu od 1.500,00 KM do 50.000,00 KM.

Prihodi od administrativnih taksi i novčanih kazni koje naplaćuje Konkurencijsko vijeće predstavljaju prihod Proračuna institucija Bosne i Hercegovine. U 2018. godini na osnovu administrativnih taksi uplaćen je iznos od 202.450,00 KM, na osnovu novčanih kazni iznos od 589.657,92 KM, što ukupno iznosi 792.107,92 KM ostvarenih prihoda u 2018. godini. Navedeni prihodi su u zakonom predviđenom roku uplaćeni u Proračun institucija Bosne i Hercegovine.

Konkurencijsko vijeće je dana 31.5.2018. godine, na osnovu Odluke Vijeća ministara Bosne i Hercegovine broj: 24/18 od 18.1.2018. godine, preselilo u nove službene prostorije u ulici Dubrovačka broj 6., u B lamelu zgrade Službi za zajedničke poslove institucija Bosne i Hercegovine.

II – IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BiH

II - IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BiH											
Opći cilj/principi razvoja: Integrirani rast											
Strateški cilj: Unaprijediti razvoj konkurentnog ekonomskog okruženja											
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije											
Specifični cilj: Povećati stepen zaštite tržišne konkurencije na tržištu BiH											
Programi, projekti i aktivnosti	Nosilac aktivnost i (organizaciona jedinica)	Pokazatelji				Izvori finansiranja i troškovi			Vrijeme provedbe		Komentar
		Jedinica mjerenja (% , broj ili opisno)	Polazna vrijednost (n)	Ciljana vrijednost (n+1)	Ostvarena vrijednost na kraju godine	Izvori finansiranja (proračun, krediti, donacije, ostalo)	Planirani troškovi	Ostvareni troškovi	Planirani kvartal za provedbu	Kvartal kada je aktivnost provedena	
1	2	3	4	5	6	7	8	9	10	11	12
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije											
1.1.1 Rješavanje predmeta iz oblasti konkurencije i davanje stručnih mišljenja											
1.1.1.1. Utvrđivanje zabranjenih sporazuma i zloupotrebe dominantnog položaja	KV BiH	Broj riješenih predmeta	14	14	6				Kontinuirano		
1.1.1.2. Utvrđivanje pojedinačnih izuzeća	KV BiH	Broj riješenih predmeta	0	0	0				Kontinuirano		

1.1.1.3. Ocjena koncentracija	KV BiH	Broj riješenih predmeta	35	35	24				Kontinuirano		
1.1.1.4. Davanje mišljenja	KV BiH	Broj riješenih predmeta	15	15	12				Kontinuirano		
1.1.2.1.Promocija i zaštita tržišne konkurencije	KV BiH	Broj saopštenja za javnost	0	20	20				Kontinuirano		
1.1.3.1 Pokretanje inicijative kod Ministarstva vanjske trgovine i ekonomskih odnosa Bosne i Herecegovine za izmjene i dopune Zakona o konkurenciji	KV BiH	Broj	0	1	0				Kontinuirano		

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stepen zaštite tržišne konkurencije na tržištu BiH							
Naziv zakona	Vrijeme provođenja		Status zakona zaključno sa 31.12. _____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8

1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv zakona)	-	-	-	-	-	-	-
1.1.1.2 (naziv zakona)...	-	-	-	-	-	-	-
1.1.2 (naziv projekta)...							
1.2 (naziv programa)...							

IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

III - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stupanj zaštite tržišne konkurencije na tržištu BiH							
Naziv podzakonskog akta	Vrijeme provedbe		Status podzakonskog akta zaključno sa 31.12.2018. godine				Komentar
	Planirani kvartal za provedbe aktivnosti	Kvartal kada je aktivnost provedena	Upućen rukovoditelju (DA/NE)	Usvojen od strane rukovoditelju (DA/NE)	Upućen VM BiH (DA/NE)	Usvojen na VM BiH (DA/NE)	
<i>1</i>	<i>2</i>	<i>3</i>			<i>4</i>	<i>5</i>	<i>6</i>
1.1 Zaštita tržišne konkurencije							
1.1.1 Izmjene i dopune podzakonskog akta							
1.1.1.1 Nacrt Odluke o izmjenama i dopuni Odluke o visini administrativnih taksi u vezi sa procesnim radnjama pred Konkurencijskim vijećem	I	IV	DA	DA	DA	DA	

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stupanj zaštite tržišne konkurencije na tržištu BiH							
Naziv međunarodnog ugovora	Vrijeme provođenja		Status međunarodnog ugovora zaključno sa 31.12. _____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv međunarodnog ugovora)	-	-	-	-	-	-	-
1.1.1.2 (naziv međunarodnog ugovora)...	-	-	-	-	-	-	-
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH				
Opći cilj/principi razvoja: Integrirani rast				
Strateški cilj: Unaprijediti razvoj konkurentnog ekonomskog okruženja				
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije				
Specifični cilj: Povećati stupanj zaštite tržišne konkurencije na tržištu BiH				
Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije				
1.1.1 Rješavanje predmeta iz oblasti konkurencije i davanje stručnih mišljenja				
1.1.1.1 (naziv projekta javnih investicija)	-	-	-	-
1.1.1.2 (naziv projekta javnih investicija)...	-	-	-	-
1.1.2 (naziv projekta)...				
1.2 (naziv programa)...				

VII - IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU KONKURENCIJSKOG VIJEĆA BiH

Kod izrade Izvještaja o radu, Konkurencijsko vijeće je u skladu sa članom 4. stav (1) tačka b) i članu 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) primijenilo Pravila za konsultacije.

Konkurencijsko vijeće je dana 10.01.2019. godine na 44. (četrdesetčetvrtoj) sjednici usvojilo nacrt Izvještaja o radu Konkurencijskog vijeća BiH za 2018. godinu.

Javne konsultacije na nacrt Izvještaja o radu Konkurencijskog vijeća za 2018. godinu su započele dana 11.01.2019. godine, putem web-stranice Konkurencijskog vijeća www.bihkonk.gov.ba i trajat će do dana 26.01.2019. godine.

Konkurencijsko vijeće je dana 11.01.2019. godine, postavilo nacrt Izvještaja o radu Konkurencijskog vijeća za 2018. godinu na web aplikaciju e-Konsultacije radi javnih konsultacija koje će trajati do 26.01.2019. godine.

Predsjednica

Adisa Begić